

涇野先生文集

涇野先生文集卷之八

序八

贈四川少叅東穀孫君文宿新任序

東穀孫君文宿既有四川少叅之擢分守嘉郾諸處予聞之雖為文宿喜實為文宿未滿也或曰戊戌之春考察之後科道部屬在南都之出陞者多則郡守少則僉臬而文宿既叅雄藩猶以為未滿何也曰予嘗數閱邸報見諸言事者多擡撫瑣細掇拾腐爛不曰八條則曰六款若比論不足則牽引無辜以填對

說盡小  
人情狀

而有意  
中人者  
遂罷語  
以成善  
類世道  
之天靈

偶其關係利害。干犯權倖者。則固匿而不言。以爲知時務也。乃文宿之在諫垣。獨識大體。當其時。相合立黨。與旁開門戶。私相比周。鼓舞奔競。陰逐善類也。其誰敢言。文宿痛列其隱。悉疏其弊。以爲必如此而後天下治。人以為文宿身墮虎口矣。賴聖明洞察特宥而不問。及時相告誥。事發多官會審。乃有出言鄙倍。橫肆桀傲者。其誰敢抗。文宿掌其案。曰。當言者未言。當避者不避。互相誼置。是尚爲有。

朝廷乎。遂勸應避之相。人以為文宿頸逆鋒刃矣。賴

三者俱  
犯時禁  
文宿黨  
不顧身  
執是可  
與重孤  
筆並存

聖明臨時相既去文宿雖下獄而輒釋及他日王  
給事以諫言謫為典史考察之年患病未至吏部叅  
其有怨望心其誰肯辯乃文宿䟽論典史與臣舊同  
僚案素抱忠悃並無怨望吏部并叅文宿黨護因謫  
高平縣丞蓋亦聖上先知其忠直而薄譴之也今  
文宿塞滯卑官棲遲散寮亦已久矣茲陞也使得進  
列卿士班行寧不為省寺之一重乎昔者予嘗過少  
華峯見樵夫往來其上擇樛不能生榛橡不能長及  
至大華之麓萬峯岑嶽千岩聳翠玉女峯指而不可

到蒼龍嶺仰而不可即。晏子所謂松柏既多，望之盡日不厭者也。夫何故？傳言其上有白額虎、金睛豹，以爲此山之護守也。使文宿即諫垣而進卿寺，當非太華之虎豹哉？其誰敢採藜藿乎？漢武帝時有汲長孺者，最戇直。張湯善紛更，則面折其過；公孫弘善阿諛，則面斥其非。武帝內深嘉之，稱爲社稷臣，不冠不見。隱然爲漢室之重，至使淮南諸國謀爲不軌者，望黯之風而皆寢。東穀茲往，勿因前之屈以貶其道。蓋齊其位以施諸民，他日積進卿相當亦如長孺之在漢。

廷不可乎

贈吳參議序

大篇文字  
隨係不止  
萬鈞相人  
者二軸千  
是隋味下  
玉充然盈  
廷矣古以  
一節惜才  
以一言起  
懦者謂是  
夫

嘗讀史於西漢得汲長孺馬招之來麾之不去吾  
愛之重之以為仲路之儔也於東漢得黃叔度馬澄  
之不清澆之不濁吾愛之重之以為仲弓之儔也仰  
止千載之上徘徊風氣之餘得其近似者其南海之  
吳成甫乎或曰成甫政方初試官始就顯何遽至是  
曰君子見幾於利害之萌常人迷心於得失之際方  
予之為考功也官雖即署之間職有課覈之責乃成

甫瀕考六年績也。予會之欲語而遠其席。予遇之欲就而策其馬。當其時成甫上無可援之人。內無可憑之勢。孤立自好。隱練行業。予陰重之。曰：斯其人殆有所見乎。及成甫之已考績且久也。勢可行。資鎮重。不動。官可速轉。積滯不怨。當其時予既久於郎署。而且改乎閒局。乃成甫禮遇益厚。辭貌轉篤。予陰重之曰：斯其人殆有所養乎。嗟乎！士風係於治道。世運不淺也。隆汙占焉。升降卜焉。即有位或顯者也。趨之如雲霧。稱之如賢聖。雖平日不足其人者。亦改面矣。即有

勢或去者也。議之如吹毛。賤之如棄核。雖平日深受其益者。亦變情矣。夫方其顯也。其趨我者之言未必皆真也。然人情喜譽而惡毀。遂不知己之所至。而以趨我者之言為真也。軒然自褒而傲物者多矣。天下之士所由不至也。是故治道難隆焉。世運難升焉。方其晦也。其棄我者之言未必皆當也。然人情好榮而惡辱。遂改其已之所守。而以棄我者之言為當也。歆然自貶而逐物者多矣。天下之士所由不與也。是故治道日汙焉。世運日降焉。嗟乎。此吾有取於汲黃二



君而重成甫之近似也未幾吏部請于

上陟成甫為福建叅議其鄉仕南都者黃國興諸大夫請贈言遂書以與之成甫名章廣東南海人起家辛巳進士

贈張惟靜提學序

經學課  
士原是  
督學正  
宗地德  
行劣行  
之舉則  
信耳習

南京禮部儀制郎中東沙張君惟靜既有江西提學副使之命其僚秦懋功吳宗仁來問言涇野子曰昔者予之初渡江也即勞東沙枉問予於柳樹灣中遂獲與東沙遊厥後見東沙數詩焉接物命景對時

誰反有  
不可究  
詰者經  
明行修  
是一脉  
道理奈  
何以魯  
我無失其

與致清新俊逸標格不凡則嘆曰此非鮑照謝朓之  
作乎他日又見東沙數文焉製辭抒情發微闡幽高  
超簡質不同乎流俗則嘆曰此非左氏國語之作乎  
東郭鄒氏者東沙之寮也去年雪中速客飲時弘齋  
陸伯戴虛齋王子崇及東沙皆在坐偶談及易艮之  
彖暨噬嗑諸爻而東沙陳說綽有根據不詭於常  
時或泛論焉東沙又爲他語以折予予自覺其非而  
不辯其言之激也則謂子崇曰東沙又深於經學固  
不可專以鮑謝左氏國語目也且東沙素行孝友賦

性愷悌風度逸邁然則斯行也其惟以經學導士哉  
秦吳二君曰作士不用詩文矣乎曰師之導士如禹  
之導水導之以正則趨於正導之以他岐其不旁流  
為患者鮮矣子嘗遊龍門導蒲坂尋雷首放于三門  
砥柱又東至于穀澠成臯之間見黃河由兩山中行  
雖有濤漲無或泛溢比至徐濮曹滕上下土性踈慢  
而岸崖陀斥於是周徙砨礫漢改頓丘雖有瓠子之  
築宣房之宮至今捲掃不休亦無如之何使導士不  
以經學而以他技先是謂決龍門破蒲坂大壞隄坊

河未至徐漢之地而已泛濫於中國殃人矣况士習  
易於趨卑猶水之易於就下何也蓋各就其性之所  
近以為所好而進耳是故高者耽玄卑者溺俗治詞  
者忘物榮名者廢實喻利者損義此五者多士之病  
也其藥石皆具於六經是故經學者士子之隄坊也  
故謂東沙斯行專用經學以導士云東沙名時徹鄞  
縣人癸未進士

贈陝西學僉鳳泉王子序

南京吏部文選員外郎鳳泉王子惟賢既有陝西提

文一字  
句皆實  
字景象  
筆所謂  
類人以言  
似如真  
有也至和  
公遂道處  
下夜樂器  
對天人人  
耳

學愈憲之。命其僚潘五山諸君以予嘗同寅也。委  
贈言焉。予曰：予鄉得鳳泉子以督學也。全陝之士應  
不變矣。予嘗讀思齊之詩矣。鳳泉子其使成人有德  
小子有造乎？又嘗讀靈臺之詩矣。鳳泉子其憶於論  
鍾鼓於樂辟雍乎？昔者先王以士為民物之本也。是  
故辟雍樂而後庶民來，庶民來而後魚鳥麋鹿若以  
小子為成人之始也。是故見小節焉，踐小義焉，鴈行  
分任，提携不至于頽白，而後賢俊衆，政化成，後世或  
不然。苟有詞材也，雖小子未造，則登進之以壓長老。

苟無詞林也。雖成人且德。則抑挫之以孫童。非是故。  
長幼為之陵替。辟雍因之不樂。而欲民來物順。不可  
得也。鳳泉子澡行中州。績學翰苑。孝弟著于家庭。政  
教明于官守。既理劇郡。尤重銓司。蓋得學之正者也。  
斯行也。當使西人復見是詩乎。或曰。此西周盛時之  
詩。今其蹟已蕪矣。無已。則唐乎。曰。蘭池三苑之靡望。  
春黎園之侈。士人多為詩賦沒矣。不足與也。無已。則  
漢乎。曰。平舒五時之事。石渠白虎之講。士人頗為訓  
詁。溺矣。非其至也。故予於鳳泉子西周之行。拳拳於

周召相成之道也。且予嘗涉渭臨潼，自滄池飛渠至  
于豐芑，以訪米廩東膠，瞽宗頻宮之處。凡羽籥絃誦  
之教，書禮乞言之舊，皆聞之矣。又嘗渡漆沮，灞澹之  
水，觀於肺浮，差莪太華九巖之區，以訪家塾黨庠術  
序之故。凡大師少師之模，上老庶老之訓，皆聞之矣。  
鳳泉子踐其地而稱之，猶樹柳耳。且鳳泉子洛陽程  
子之鄉人也。明程子之道已久矣。程子之論詩與西  
周也，以得閔臚麟趾之意，為重鳳泉子按河州而巡  
麟遊，其風猶躍然可覩也。又豈賴于予言哉！况

聖天子方復棫樸菁莪之治以綱紀四方鳳泉子豈  
不足以褒此作人之化而基他日燮調之具哉鳳泉  
子河南宜陽人起家丁丑進士選為翰林庶吉士以  
有 藩府親出守廣德及滁州後 藩府親歿例得  
入為京職至今遷云

贈乾菴李君序

南京刑部郎中李乾菴惟大既有陝西僉憲之  
命予聞之嘆曰是秉廉不惑者之李乾菴耶

朝廷用人恒如此即士不鼓舞民不阜安者鮮矣予



泮然一篇仕  
學歲上大  
天以此風石  
史吏以此風  
四方可清仕  
路封比屋  
矣嗟嗟此  
有道名言  
也士大夫可  
一日不開道  
式

嘗往拜乾菴矣。廐繫下駘之馬。室無函丈之席。四壁  
蕭條。一僕藍縷。以官之俸金給家之凶歲。乃嘆曰。誠  
如行人及戶刑二部諸僚之稱也。斯人也。分巡西土。  
當非地方之福乎。且自予至南都。遇諸士論學。必曰。  
耳貧。遇諸大夫論政。必曰。廉。或曰。學何不一貫之講。  
政何不多材之談。而乃區區論耳貧與廉。不亦腐乎。  
曰。士之耳貧。則簞瓢之類。枕肱之孔。皆可學矣。大夫  
而能廉。則下塞漁獵之途。上杜奔競之門。百姓皆足。  
閭閻厭梁肉矣。夫惟耳貧。則能廉。夫惟能廉。則必

貧之士也。故予於李乾菴之廉獨深敬慕焉。雖然乾菴斯行所與者刑也。夫刑也明不盡則是非淆。公不至則喜怒偏。慎不致則生死易。決不果則姦偽滋。夫明公慎果雖生於廉然廉矣而明公慎果或未至則亦非其廉之性也。昔者包希仁可謂廉以明矣。然而瘠杖鬻杖之間吏能罔之。包莫能辯焉。則包平日所事者察而非明也。蘇孺文盡法于清河太守非不公也。由君子觀之未免用意以徼名耳。是故子貢有信陽之行。夫子謂之曰為吏者奉公以刑民不聞枉法。

以侵民治民莫如平。臨財莫如廉。廉平之守不可改也。言人之善若已有之。言人之惡若已受之。故君子無所不慎焉。又謂子路曰。衣敝緼袍而斥言折獄。有如是之果也。而不能從政者鮮矣。是故慎如端木氏。果如仲氏。則乾菴雖由清刑以理全陝之民。猶運掌耳。他日受知。

聖上或入為廷尉。或晉掌秋曹。以與周之司寇蘓公齊名。吾見其有餘也。乾菴西行。予方卧病。不及言。既去矣。予鄉仕南都者。俾予為是以告。

照頭南野 陝西僉憲序

陝西榆林之西路在延安北數里即古大順招安萬里之地蓋切近虜境之要路也舊額除按察憲管一人駐劄新城以督理糧儲整飭邊備兼理詞訟凡民庶之安危軍士之勇怯將領之勤惰皆得稽察于以壯國威而禦外侮誠重任也邇者三年述職考察既黜其瘵官者矣輿論以此地非廉明威惠周慎者不足堪乃選於衆得吾南野須公孟觀以昇之當是時南野方奉勅出巡廬鳳等處屯田而都憲治齋萬公

燕於典  
故又聞  
於戎情  
宵中有  
一韓一  
若今安  
得有鑑  
讀其書  
當其其  
當其其

又嘗題將蘓松徽寧等處屯田一體兼管司徒與浦  
王公亦坐名題准清理營房倉場教場等項地土行  
且三年諸劇就緒 朝廷稔知其才賢復有是擢予  
往拜南野退遜以問西路之事予曰夫西路予未履  
其地然予西人也嘗聞其畧矣使南野移所理南畿  
屯田者往治之豈有不如拾芥者哉夫士有五懈而  
馬有三罷穀粟後爨則腹懈布花遠時則體懈賞賚  
失實則勇懈曲直混淆則心懈苦樂不均則情懈青  
不及廐馬罷于野秣無飽芻馬罷于廐行不畏葸

確論

罷于陣。懈與罷既除而邊塞不壯者未之有也。則何以能之乎。惟在釐其將領耳。往正德間。聞他衛有貪將。善懈罷士馬者也。一日虜驟入塞。士馬不肯前。卒至失機。其貪將猶侵漁其下。買絨蟒內賄當路。以求追誅。未幾大敗。殺士民殆數城。而後去。其官當其時。雖貪將之罪。亦諸監臨察視者之過也。然則南野茲往。先問士馬。即知其將領矣。昔者有宋韓穉圭。范希文皆嘗經畧延州以北之地。即今西路諸處也。穉圭則增土兵以代戍。兵久之器械精堅。諸城有備。至謀

取橫山以撓夏國希文則墾營田復廢塞練士卒寇亦為來歸當其時至軍中有韓范賊皆心寒破膽之謠夫宋去今不遠其故迹遺法猶有存者南野誠取其長而用之雖他日出將入相以總制三邊有餘也

贈上濠湯子陞雲南僉憲序

上濠湯子而栗為南刑部陝西司員外郎數年乃有雲南僉憲之命其僚桂守誠馬子約問贈言曰而栗嘗有一日從遊之雅則不可無文為別也涇野子曰夫而栗其於雲南僉憲也猶折枝之易矣二子曰豈

子無難  
於二州  
何難一  
雲南貴  
臥與穿  
楊異枝  
也而栗

其在刑曹也。犯無遁情。囚無冤口。從無滯獄。下誦其  
賢。士稱其才。優於雲南者耶。曰。是固然矣。夫人之情  
一也。處險者難。處夷者易。蓋盤根錯節。不若坦途熟  
路者為輕也。人之才一也。居遠者難。居近者易。蓋殊  
方異類。不若同好合情者為安也。夫崖在瓊府之南  
千有餘里。即漢珠崖地。賈捐之所欲棄者也。蓋其地  
孤懸海島。瞻顧萬山石版。黎莪之所盤回。澄島石蟹  
之所旋繞。霧露氣濕。多毒草蟲蛇。水土之害。生黎十  
六熟獠十四。而蜚酋番徭錯生其間。中國往者舊有



四有此  
資格  
不可以  
限人

千之千不還之語乃而栗入選吏部考列高等爲忌  
者擯遠知是州人不堪其憂而栗曰唐韋執誼宋崔  
與之皆尊官高賢也且久居於此寬顧不能守此州  
耶乃奮然就道至即廣布仁恩薄示刑罰雖撫異類  
亦如同胞察其饑寒問其疾苦緩其征輸達其嗜欲  
居五年遂與崖人習崖人皆能知其心於是監司相  
信撫按三辟未六年而以母憂歸服闋改任高州府  
之化州化雖比崖差裏然在銅岡來安之陽茂名羅  
陵之陰即古高涼石龍之地唐所謂辯州者也俗簡

儉敵鬼而粟至日適值兵荒當道徵輸棘於星火過  
都下弗堪命少緩上有專責兼以往守僻視此地恣  
爲漁獵化人困苦極矣乃政倣倪寬與民爲一裁其  
濶狹黜姦冒之吏業游閑之民捐贖金以代轉餉息  
力役以後催科賑窮養老興學迪士於是戶口日增  
風俗日美比去之日民有卧轍留鞅者矣夫崖與化  
其遠與險誠非人所居者乃而粟之往旣無他災亦  
且即治於其難者如此矣雲南僉憲分符臬司總法  
臺端委蛇退食容與在公一令之宥足以勸善一辟

之信足以懲惡其爲化理豈但折枝哉雖然人之情恒警於難而忽於易猶馭驂者率慎于羊腸九折之坂而周行之上或恥之也昔田單一日下七十餘城至攻翟旬月不下其後因魯仲連一言始克下之然後知易者使傾危者使平不可始勤而終怠也而栗若蒞滇之日恒如居崖之時治滇之人常如治化之民詩用匪懈書用明允終始其道以資格爲俗見以窮民爲赤子雖他日徵陟卿尹六曹猶是也當其仁於師相不讓矣或謂而栗曰雲南多珍玩如大理石

亦其一也。竈於地者多傷民財力，取以賂權貴而侈私家，而粟其華此弊乎？予曰：而粟昔於崖之玳瑁、車渠、化之樹石、屏不一，睨視而肯睇大理石耶？吾知而粟非禮勿視者，猶當烟崖化之日矣。而粟名克寬、永豐世族起家江西鄉進士高等。

贈鄒保定序

正德四年秋，兵科都給事鄒子文盛為保定太守，僚友惜其才大志遠，外補郡守，欲贈以言意存勸勉，請予道之。予始仕史官，嘗與鄒子聯班廷陛，見

守郡大都已悉  
誠之篇  
守於憲  
屬為獨  
詳蓋樹  
法不如  
樹人意  
也識此  
者其良  
平厚

其容度整雅動靜不忒內深器之卿輔材也吾友  
馬敬臣其僚也亦云然若是於為郡也復何言雖  
然凡郡之事有錢穀有簿計有訟有教化凡郡之  
地有州有邑有里有田疇凡郡之吏有別駕有推  
有師州邑有太守有丞有簿有胥史惟太守  
之明錢穀不明國用不經民用不康簿計不明胥  
吏進姦訟不明則民倦善而敏惡教化不明風俗  
偷靡人倫昏淫州不明則州亂邑不明則邑罷田  
疇不明疆弱淆其封植里不明鷄犬罔寧故別駕

欲其誼也。欲其協也。推欲其廉且章也。師欲其端也。州長邑長欲其慈明也。丞欲其敏也。才也。簿亦欲其敏也。胥史欲其懼也。故治誼治協莫如孚。治敏莫如匪懈。治章莫如公。治廉莫如不欲。治端莫如端。治慈明莫如去不慈明。尤莫如先慈明。治懼莫如斲。

### 贈鄭廣南序

莆田鄭君諸甫仕掌南刑曹正郎。乃有廣南之命。南國大夫率以為屈。其僚趙克恭林大和宋元錫曰。廣

人臣為國  
家集事  
安得以此  
方計哉以  
地方計者  
私心也此  
文反復證  
解足杜鄉  
君行色更  
臣不辭重  
里亦分奉  
顏直著

南遙在雲南之鄙與古器野迷師宗為隣水陸三五  
月而後至諧甫遠矣地多儂人種類百夷桀黠一忤  
矛戟森興往守或假居臨安以遙領諧甫險矣俗多  
跣足或醺鼠而敗虫人倫道格諧甫難矣涇野子曰  
三君子以葱嶺月支為邇乎往者漢使非有大故也  
為一渥洼之馬經歲籍程而必至今廣南固輿圖版  
籍也而諧甫領命握篆載旌行驛惡乎遠嘗見深  
山之谿壑乎冒之以榛莽數虎群行墮其二於中瘡  
額破脰數日不得食張顒以待人有行樵憐其餒也

遺之乾餼朝夕以為常未幾雨滑失足亦墜虎傍虎識其為樵也情意戀慕使扶已尾出谿塹即以其前掌援樵亦得出夫廣南固不險於虎矣邛都之國多猿獠戲熊羆而侮松杉有畜夫獲三獠焉教之揖則能揖教之拜則能拜遂作人禮狀而況於漸漬

王化於數百年之地者乎三君子曰豈謂是哉惟是時俗之論曰險遠之郡不以處親昵以處疎人不以處通達以處滯人也乃諧甫筮仕北部以達親道遠奏改南曹當在工部抽分蕪湖蕪湖士民今尚



頌美若乃持論端方臨刑執持士林又皆稱服雖古  
之孝廉賢良可望焉斯其人固宜晉近清光分符畿  
輔矣乃有廣南是故惜耳曰居中原之地當文明之  
邦承其故案行其恒移詩酒袖拱足以了辦夫人而  
可也乃若險遠之地苟非君子固有望其境而先去  
者矣諧甫茲行將非

聖明有不忘遠之意簡其賢而畀之使之懷柔邊徼  
綏和夷燹者乎且三君子而知耕叟篙師乎當其遠  
者而能之則不患於其近矣當其險且難者而能之

則不患於其夷易矣。吾知諧甫之學詣聖賢而政成  
卿相自此廣南始也。

贈胡福州序

山陽胡君貞甫仕南戶部方總巡諸倉乃有福州之  
命於是黃日思林太和諸友問贈言他日會飲於東  
園貞甫曰聞福州有丁料八分每歲一徵苦於繁費  
若十年一徵則簡且省也淫野子曰夫民次第輸辦  
易為力一併科率難乎其為餘矣且民多無十金之  
藏而日惟尺寸之營兼歲總會獨先安之邪又曰福

官儒俱守  
鄉事而守  
固不為心  
二者淫野  
橫舉立論  
胡君文

其重大者  
耳披裹紵  
素井井纏  
謂真愛人  
無已者乎

地多僧、僧多田、田多租於民間、既租矣、未二三年則  
匿前租、射後租、名曰重章、痛懲其僧、不可乎、曰是豈  
惟僧之罪哉、此必後租者多、威與富以啗僧耳、威富  
既訖、則無此患矣、今夫瞽者人所易忽也、冕衣裳者  
人所必敬也、夫子待之皆過、趨坐作無兩心、楊龜山  
以為一貫之道、論語之要、盡在於是、獨不可移以治  
租田乎、又曰、歸無牒之僧、行于俗、割有餘之僧田、以  
業之、不可乎、曰、易不云已、日乃革之、君子行禮不求  
變俗、謹修其法而審行之、市井賤丈夫、竊一果、一菜、

百偽千詐、叨得升斗、聊以糊口、聖人不究其隱焉、彼  
僧行者、顧不當是邪、夫凡有血氣者、皆當並生而兼  
育、所可以汰此輩者、惟德化、既行之後耳、若士則何  
如、曰、福禮義之邦、詩書之藪、

皇化久漸之地也、子是之行、課文非所先也、談經非  
所急也、若有孝子悌弟、烈士廉儒、義夫節婦、子雖造  
廬以禮、出儲以犒、本之於誠、將之以敬、易曰、中孚、豚  
魚吉、言能中孚、雖豚魚亦可化、而況於人乎、且自予  
至南也、三四年矣、見子食無兼味、衣無重裘、客無雜

先生豈  
真不如  
伊我  
勸之中  
有引進  
且見先  
生謙光

交物無妄取固鎖先門六年一日予清不如子詩曰  
溫恭朝夕執事有恪禮曰執虛如執盈入虛如有人  
久求斯人矣乃於貞甫見之予慎不如子政務填委  
部決如流井井不亂吏息其奸民服其心予明不如  
子苟言之必有之苟諾之必踐之考道稽德上下咸  
允予信不如子此數者貞甫皆過於予而予猶論處  
租料僧儒之事者豈以貞甫為不足哉大抵勇於為  
義者或不恤其他切於變俗者於其經未必慮也貞  
甫淮人也不聞汲長孺之治淮陽乎折其筆焚殺其

賦稅停其營繕驅其智慮日卧齋堂之中不下階而  
淮陽大治此固不可移以治福州邪若是他日為時  
社稷臣者亦必在子乎貞甫懋哉貞甫名有恒初號  
筠亭取節也再號慎齋取獨也嘗可以知其為人矣  
起家嘉靖癸未進士

涇野先生文集卷之八

涇野先生文集卷之九

序九

贈何嘉興序

此亦浙  
西宿弊  
牢不可  
破

進賢何君德徵守兵科越三年矣。陞嘉興太守。涇野  
子往問之。德徵曰。甚矣嘉興之難為也。近聞其郡之  
田有百數則焉。官民互隱。美惡交射。科辦之雜。又無  
紀極。冊易於遞年。稅忘於累主。此有田或無糧。彼有  
糧或無田。其何以勘而定之乎。即一定之豪右興讒  
桀黠。叢怨不五七年不能平也。曰。雖然。苟有父母斯



官歲果  
先於守  
不然一  
有怵於  
中多故  
絀而易  
輟矣

民之心將思之無不至行之無不當令之無不從古  
之為大司徒者環四海九州之內山林澤藪之間皆  
可以畫經界立封畛使無一夫之不獲德徵難於一  
郡乎聞近嘗查理兵工二部矣疏革積弊所省于軍  
民者不啻數萬今得郡而專制之視於二部顧不易  
邪夫所不易于郡者有三一曰守之不定二曰公之  
不至三曰驕心之未滅曰守也公也不驕也社自忖  
雖終身不改惟是明無不照躁無不除則夫易能故  
難其弗勝也曰彼嘉興之中豈無可師友者乎

可賓客遊者乎。豈無可剪莠采者乎。豈無可狂夫擇者乎。誠使恭敬以訪之。參互以考之。案牘以證之于是之中。得宜非焉。于非之中。得其是焉。於政有不明者鮮矣。若夫躁心之釋。在不尤人。子嘗一語爽于口。即大書于壁。以資顧諟。守是道而不渝也。又何躁心之難釋。嘗見德徵之疏。以為苟自是之心。一萌于中。則意氣遂形於外。惟見己之善。而不見人之善。喜聞人之過。而不喜聞己之過。予惟時務之急。治道之本在是也。豈其已能告于朝。乃不能行于已乎。昔者

面言未  
足盡人乃  
資洽也步  
豈能服  
人人自限  
之也有  
不効者  
十一二  
耳

漢書卷九  
獲子之卷  
料其必忠信正直憂國愛民之士今且  
十年矣見德徵苟可盡孝於母雖辭近密而不顧其  
榮尚可盡忠于

君雖犯忌諱而不虞其害苟可盡力于公雖逆流俗  
而不畏其難喜曰科目亦可以得人疎迂亦可以知  
人然則猶有是懼者豈非不已之心哉蓋惟能懼斯  
不懼矣嘗見馭羊腸之阪者謹其聲控視其險阻不  
終朝而過焉無隻步蹶至於坦途稍縱其心馬或有  
誤是矣予過碧峯聞有定僧召而問之對曰心冷

見道之  
言的然  
胡不以  
冷熱賦  
併質之

三十年矣則謂之曰人之治心當如天道之寒暑晝  
夜若纔一冷則便熱乎吾恐汝之未能常冷也未幾  
僧述往日有尊官過問者頻行偶視其腰帶橫金自  
驚失禮則詰之曰此非汝之熱心邪僧忙然自失遂  
忘其三十年之冷心也是故求明心釋躁心易守也  
公也不驕也不可不時時惴懼以為難又曰明生于  
公與守躁釋于不驕

贈石高州序

南吏部文選郎中玉溪石子廉伯既有高州之

今人而  
能力追  
古道則  
禮讓為  
國矣安  
得有筆  
刀而古  
劍者哉

命其僚龍村賀子仁后江楊惟仁諸君餞之尚書第  
予亦與焉且以予年少長也請先行爵爵再舉又適  
洗玉溪予辭曰古禮有再爵無三爵予曰然玉溪子  
由夫古之道哉雖以此古禮為州不可乎今夫世之  
為守令者其事上官也拱或至於磬折拜或過于君  
親其使下民耗其財不知損疲其力不知休蓋皆不  
能以古禮節之故也如再爵之禮行敦士風而振民  
俗于高州何有乎坐定后江問赴高州之期當在癸  
春邪玉溪子曰素多病而廣路尤熱俟秋冬而後起

台州耳。后江曰：若愆期而爽度，無乃不可乎？對曰：簡性踈懶，任真涇野子所知也。去年之考績，也久菴治齋二公嘗薦之時，相簡未能一謁焉。未幾又薦之時，相乃取閱門簿，查無簡名，則曰：此人初未嘗來見我耳。有友又促使往見簡，終不能且。不聞今日之治齋公乎？官至二品，以一言而罷。進退利鈍，又安能以容心邪？予嘆曰：達哉玉溪子！將孔子所謂可與立者，不殆庶幾乎？使其初少屈以謁權門，今內為京堂，外為藩臬，顯官又安有高州乎？夫玉溪子嘗師事陽明王

公陽明以致良知為教學者類能言之。然或當行而不知向背。臨言而不知從違者。亦有之。如玉溪子守其道而又濟之以古禮。豈惟可為高州哉。或曰高州居二廣之間。據叢山之間。前揖銅魚。後拱寶峯。近者猛獍為盜。肆行猖獗。阻塞道路。擾及電白。信宜之地。茂名幾于不守。蓋多難之邦也。玉溪子持古禮而往。是猶以結繩而治干戈也。曰不見漢龔遂之于渤海。盜乎。單身之郡。未匝月。民多賣刀買牛。賣劍買犢。數年之寇皆為良民。彼豈嘗持干戈以往哉。玉溪子台

之寧海人

贈曹寧波序

南刑曹正郎曹子廷寵既有寧波知府之命予往  
賀焉言及前榆次冠司馬嘗爲寧波矣廷寵曰惟冠  
公爲是郡嘉邁詰焉能繼之乎涇野子曰子惧其多  
勢要也比於瑞安則何如持法而不撓履正而不私  
奉義而不阿俟命而不懾公論既明勢要亦無如之  
何則既已能於瑞安至子惧其多缺訟也比於廣東  
司則何如凡應天合郡以及府廩錦衣留守諸衛有



野揮  
成彩  
章爛  
而機  
圓轉  
良造  
之御

詞皆歸折、蓋南刑曹之第一劇司也。晨食而入、晡時而出、入則先僚、出則後侶、五年於茲、既無冤獄、亦無滯事、則既已能於廣東司矣、然則何有於是郡乎、對曰、願翌日詳教之、於翌日而其僚陳士仁、趙立夫來、壁緣著以湖縑、紃以揚綾、厚方三寸、紃之久矣、願以贈之、予有四規之鏡、自照所思、存之七日、可見千里、既無所將、文無所迎、應而不藏、往而不去、磨之勩矣、願以贈之、予嘗獲五劒焉、乃區治子之所鑄、秦薛燭

投之所  
向無不  
如意非  
止馮氣  
力銳鞭  
策也宜  
誦宜誦

之所相蓋錫出赤堇之山而錮涸谷邪之溪者也貯  
之繡繞積有歲月矣願以贈之二子曰贈被何也曰  
詩不云乎舒以富人衣此鞞獨故有踝屨者與覆其  
足有折臂者與覆其肱額瘍者覆其首背疽者覆其  
脊凡鰥寡孤獨顛連比裂其幅以給之使郡及屬邑  
當寒不畏其凍者也贈鏡何也曰賊仁之人其容白  
殘義之人其容赤侮禮之人其容玄寡智之人其容  
黃不信之人其容青以此四規照肝膽畢露而况於  
妍媸乎劍何以有五也曰純鉤以待稔惡湛盧以待

楊適旁曹以待叛亡魚腸以待海寇巨關以待劫盜  
古之人有行之者乎曰若房琯孔戣陳襄是也三子  
者皆嘗刺明州而令慈谿矣戣善用其被雖蚌蛤淡  
菜之微秦罷其貢歲充役夫四十餘萬而况肯遺權  
貴乎於是時民多有衣卒歲矣襄善用其鏡興學校  
所注意講求者惟民間之利病蓋毫髮無不知而皆  
興革之也於是時鰥寡無蓋矣琯善用其劔以德化  
民鑿湖溉田其有害于民者則劔之於是黠吏豪惡  
避而逋逃者數千人况吾廷寵飽諳經濟才畧志在

天下國家素不畏強禦而又法例綽達若兼三子之  
長而用三物以得宜豈惟可繼冠公哉雖他日大行  
其學衣被四方亦可也廷寵湖廣黃岡縣人起家嘉  
靖丙戌進士

贈司馬君守懷慶序

監察御史西虹司馬君魯瞻為南京四川道五年矣  
比懷慶守缺銓曹以為中原之處而河山要害之地  
也乃奏陸焉予聞而往拜之君曰其郡也若之何則  
謂之曰蓋嘗九過是郡矣依大行帶沁沈襟黃河黃  
虛而實之實而虛之風

既也終  
以師法  
元正尤  
尤為人  
判處古  
執古心  
脂言不  
勿得者

河善徙徙南則北民無田而有稅徙北則南民有稅  
而無田野王之墟恒以是爭也孟之力罷於途衝而  
未休寧之畝荒於風沙而未墾皆予所親見也乃若  
軹陟及溫多傍山阻而近斥鹵其民剽疾而寡固以  
吾司馬君之道而蒞之遠可如寇恂近當如文彥博  
矣他日君又過予曰子所言者皆土俗也其何以益  
泰乎曰君亦嘗聞並北山之牛及來丹山之鳳者乎  
朝日則三易暮日則一水牛始能飫其腹而濕其耳  
以載耒耜而服畎畝不難矣若鳳則希世之瑞也乃

目種凌雲之竹、歲栽朝陽之桐、遠射鴟張、近彈鵝鷄、  
清明映日、湛虛接天、于是九苞之鳳、不翮翮而來、  
嚙而鳴者、未之有也、故君子愛衆如茁牛、養善如來  
鳳、君又嘗聞高陽之里有九男之父乎、其五子皆賢  
人也、其四子則不肖、其父於三子則陽稱其善、以愧  
四子、於四子則又陰沮其惡、且勸之改、以追五子、於  
是四子亦如五子材、而九男之父安以樂、詩云、鴈鵠  
在桑、其子七兮、淑人君子、其儀一兮、心如結兮、君誠  
待民若子也、又奚但如茁牛與來鳳哉、雖然、山有歲

王居巖者乃知田有蘊秀在畝者始明覃懷有栢齋  
何公予嘗評其學比之仲路端木論其政嘗期以韓  
范富司馬也斯其人乃今卧病王屋之陽採藥溴水  
之陰君行而咨度焉豈惟可治黃河之陽哉君本陝  
西咸寧人國初籍南京錦衣衛君起家癸未進士於  
是陝人仕南都者自都督容堂楊公廷尉中梁張公  
而下亦皆欲予有言也

贈鄭維東知德安序

南戶部郎中鄭維東既有德安之命開宴于其第

內欲成  
風以賢  
都閭夫  
人乃止

辭予及諸友偶語及為守之道維東曰幸菴彭公之  
為徽州也當其時豈無一二之小失然至今徽人無  
大小無弗思彭公如父母至立祠而尸祝豈有他道  
哉惟純誠愛民恩入人心深耳涇野子曰維東移以  
治德安可也因謂楊叔用曰魯聞吾鄉人有為浙郡  
守者乎其為知縣御史時已著冰蘖之操及至浙郡  
其僚侈人也一日侈人之內邀其內以飲珠翠盈身  
可數百金計其內首無重飾慚沮而歸數志告焉浙  
郡守嗔不聽久亦稍用其言于是政聲頓減于其前



今監司  
可令相  
應如心  
十相持  
如肢體  
此事終  
不可行矣

故守之確、道至少保而不改、守之少有不固、一浙郡而損矣。維東曰：此涇野子之至教乎？他日諸友餞維東於心遠堂，因言汲長孺開倉救饑之事，愛民真如子，不暇計其專命之罪也。葉子大曰：于後世恐不能行，必三請于當路而後敢。曰：即如是，民委溝壑多矣。子不見人間父母之于子乎？未寒與具其衣，揣其薄也；又絮之，未饑與具其食，防其餓也；又餽之，未難與病也。論之以道，時其患之至也；又捍禦而藥石之，若是，豈使其子先知而後為之哉？又豈俟請他人而

兩言若  
有所懲  
直友之  
益哉彼

後為之哉長孺之事已親見其饑寒而為之者今乃  
又以為難宜必有所曲意為之者矣且維東在戶部  
利必欲興害必欲除固基之費問吏之稅亦必言諸  
公而正之恐病民也予素不明于政因維東而識錢  
穀出納之機者多矣其操持之嚴以南都人宦南都  
地十年矣人不能干以一私行舉長孺之道也又何  
難哉楊叔用曰於維東不患其不興利除害也事有  
可因者姑因之第勿使奸吏為蠹于其間斯善耳曰  
維東而又無乎此他日奏績于朝雖治行課天下

向人媒  
其短幸  
其過者  
是何意  
也

第一入為廷尉卿相與漢吳公等抑又何難哉于是  
子大曰所謂恐後世難行者正以作維東耳人苟存  
心于愛物法無不具豈直維東可為乎維東曰往日  
雖多所謂不及近會尤切於淮也維東本閩人國  
初以大户填實京師遂為上元縣人癸未進士

贈宋君獻可知真定序

仰山宋君獻可既有真定之擢同鄉楊叔用諸友適  
來予為之喜甚曰

聖天子於此地真得人哉叔用曰涇野子之喜其以

若是則  
率真定  
如游刃  
矣大都

獻可為鄉曲之英乎曰固然得吾儕有知地者或不  
知人有知人者或不知地予知地又知人是以喜之  
耳今夫真定潁州縣三十有二西盡於平定東薄於  
瀛濟表山帶河接海據關拱

皇極而通群省蓋京師之門庭畿輔之要地也往者  
正德中流賊扇亂於坻霸真定無守以控扼之遂使  
衝突馳騁南驚河洛縱橫於汝蔡徐淮之間毒及天  
下蓋此地風迅沙舉人馬剽悍一迫於饑寒而失其  
心頃刻呼號輒成群聚雖有滹沱沙漳之險不能為

守之  
民在  
莫先  
計吏  
文提  
挈要  
如燭  
盧龍  
馬不  
誰是  
見音人

之限域也。叔用曰：獻可之為御史，則嘗聞之矣。巡城則叅論監局之貪橫，掌道則會彈權姦之彌進，劾述職官而言無不當，巡下路江而威無不宣。其他條陳江防諸事，緝獲通番雜貨，帶管本科并點軍門，以及監試科場之差，皆風力烜赫在人耳目者也。此其人以守真定足知其有餘裕矣。曰：雖然，予之所言乎真定者，非但已也。真定當衝路之衝，民疲於力役而艱於衣食。予欲使樂部趙晉之間，雖或冠蓋相屬於路，而民肩不生疣，足不生繭也。雖或糜芻蔭蜀之未獲

而民枯春饔殮不缺也。雖或麻苧綿絲之未收。而民  
寒冬衣褐皆完也。雖或晝不建旗於城。夜不振鐸於  
巷。而終歲大不生釐。馬脊生肉也。叔用曰。若是則又  
不知獻可何以能之乎。曰。子亦嘗觀建業之剡水車  
乎。於此有數百畝之田者。邊於鴻池。田高於水不啻  
尋丈。有能為百斗之車者。或挽之以力。或推之以牛。  
掣池中之水如貫魚。斗斗皆行田也。較是禾易長畝  
終善。且有矣。聞獻可之巡江也。有下官怠於趨承。而  
簡於禮遇者。獻可徐察其有守能愛民也。遂薦之於

朝當是時其人方惧其効也及獲是舉乃自慚且嘆  
曰吾可謂之小人之腹度君子之心矣然則獻可之  
為真定又豈可以他求哉夫三十二州縣之長貳豈  
無若人之賢者乎有則獎進之優接之當其考也以  
最書之則賢者益勸於善矣豈無不及若人之愚者  
乎有則懲督之摧抑之當其考也以殿書之則愚者  
亦改其過矣賢者益勸於善則仁政流行於四封愚  
者亦改其過則暴政滅息一日如是而民力不蘇  
衣食不足者予未之見也

心日獻可言此郡之奔

走繁劇無暇時曰苟有子民之心則雖奔走送迎之  
頃皆仁政耳獻可又曰巡江之事偶然之見恐不能  
以周茲郡也曰是在克已既盡則認人不錯於天下  
且有餘况一郡乎獻可苟持此不變其學他日身都  
卿相進退天下人才如辨黑白於予言當一驗也况  
獻可忠信正直鄉黨皆稱之乎獻可陝之延安鄜州  
人起家嘉靖丙戌進士

贈呂君君言知兗州序

觀復呂君君言既有兗州之擢其刑曹諸寮來曰則



何以贈兖州乎予曰夫兖州先師夫子之鄉邦也夫子與諸弟子論政者多矣君言能取其二三策焉足治兖州矣昔者夫子語子貢曰足食足兵民信之矣語仲弓曰先有司赦小過舉賢才蕪斯二者其於兖州也如運諸掌乎諸寮曰君言嘗北為戶曹南兼刑工在鈔閔則杜請托而包攬息在屯田則立節慎庫而金籍明論採珠之弊至罰俸而不恤致聽訟之慎於傳致而不事此雖於兖州有餘也何賴於二子之政哉曰此固君言有立政之本但其致用尤不可以

即論語  
數言演  
成一篇  
政經信  
良工製  
杼絮絮  
成章若  
以其無

奇則半  
部致太  
平何物  
也充州  
君必嘗  
之矣

廢古耳。於此有畜絲積羽之人。不可謂無具矣。然非  
學水凍之法于恍氏。豈能得浼水漚絲。暴日與井之  
詳。非學染羽之法于鍾氏。豈能知漬湛丹秫。三入五  
入七入之數哉。故事必法古而後可以得道也。蓋在  
子貢者。乃安民之要在仲弓者。乃用人之方。夫食者  
民之口體也。兵者民之手足也。信者民之腹心也。得  
乎民之口體。則手足腹心皆歸我也。故安民之政以  
足食為首。闔郡之事非一人所能辦也。是故有器使  
之道焉。則有司當先矣。有已日乃革之道焉。則小過

當赦矣。夫然後去其不職者，進其克職者，賢才當舉矣。故用人之政，以有司為先。今之餒民食者多矣，或淫其額以取盈，或致其期以足賦，或追其蠲以填虛，或玩其時以誅無，或重其役以鬻產，或博其罰以耀威機。無方丈之布，而官有匹縑之征。日無長畝之獲，而公有庾釜之取。凡此皆可以絕民之咽喉，而銷人之肌膚也。此奚以足食乎？有司之不先者，凡以恃已之長耳。誠能委之錢穀以觀其廩，察之桑麻以觀其惠，試之甲兵以觀其勇，課之禮樂以觀其文，移之刑

罰以觀其斷字民矣。雖倨而不與怒也。且注褒戕民  
矣。雖諂而不與喜也。且注貶。如是以先有司未及舉  
賢才也。即有司已變為賢才矣。夫交也。統州若縣幾  
至三十。凡古之曲阜滕嶧鄒單泗汶鉅鄆曹穀郟費  
諸名邦壯邑皆與焉。而君言既抱立政之本  
聖天子遴以昇斯地者也。誠兼二子之政以往。豈不  
收兗州之治。如昔人不下堂而成者哉。

贈楊叔用知馬湖序

庸施楊君叔用仕南戶部主事至正即六七年矣乃

有馬湖之擢凡鄉縉紳在南都者及叔用知舊皆欲予有言以贈叔用亦曰先生其詳說馬湖之政本源將奉以周旋焉涇野子曰昔者子之為祁縣慈盡百姓無少妄舉民訟與分曲直各中其情善者咸勸玩者改圖遠如澤沁亦乞上官於君歸聽蓋凡所批委執法身讞未嘗因勢低昂若遇征稅先期令辦惟恐鬻產比去祁祁人涕泣攀送如失父母當其時予亦奚有所言及子在戶部戶部以金穀為職而銀庫總巡之差大且重子凡出納交承之間雖數百萬之衆

職方山海盡入先生囊括中故因地議政者燭照而數計也馬湖遠僻仕者多以賦敗

十三省之輸罔不明實無錙銖爽其管修庫室輦可  
千年廵倉則攢典具繁運官糧長率速完起細至蓆  
格草式皆與輕處簡裁惠澤玄施當其時予亦奚有  
所言馬湖之往人皆謂子才大而郡小何待予言曰  
惟馬湖艱哉蓋古僰侯國之境漢置犍牁牂牁二郡  
唐則置羈縻馴騁浪瀉四州地雖以府名屬無州縣  
蓋皆夷夏雜居散處山箐者也本源豈能以理祁縣  
與戶部者理之耶曰君子學有要領則應無不當心  
有所見雖蠻貊之邦亦可行三十年前子與趙幼務

故終在  
道之說

來雲槐精舍予講虞書至咨十有二牧曰食哉惟時  
柔遠能邇惇德允元而難任人蠻夷率服子蓋聽之  
真而信之篤矣豈非為今日之用哉夫古之州牧即  
今之郡守也馬湖之地赤崖雷番之內皆邇地也泥  
溪平夷蠻夷沐川之外皆遠地也辨其遠邇而以優  
以撫則省方之道得矣地雖要荒也豈無有崇本好  
仁者乎豈無有包藏姦惡者乎別其賢愚而以敬以  
遠則馭人之道得矣然此又以及時足食為先行見  
印部以西烏蒙以南當撫負其子而至矣然則為馬

湖若是之易也。曰：自吾抄釋程子十年於茲矣，未有能用之者。而子言於是行於是，或以決疑政，黷困吏亦於是足，知其所為矣。自子居戶曹七年者，茲矣。所服猶士服也，所居猶士居也，食無二味，用無長物，至拜四品，不能具衣紳，足知其所守矣。予嘗見世之仕者矣，有以官為仕者，有以道為仕者，有惟恐其官之不日陞也，有惟恐其道之不日陞也。官或不加，增焉；以道為仕者，惟恐其道之不日陞也。官或不加，美焉。子之往也如馬，湖之政成則道斯陞矣。視彼道不增而官日美者，其



論者謂大而見道如質政如者。是微士微下。明道理。此文為瑞甫也。

孰為榮辱得失。貳子必不以馬湖為遠。必不以泥溪諸長官為惡。

贈李端甫陞知杭州序

或問學曰。仁問政曰。仁何謂也。曰。學亦政也。政亦學也。學政皆仁。內無有己。外無有物矣。何謂己。曰。喜怒哀懼愛惡欲七者。由情而不由性之謂己。何謂物。曰。飲食衣服宮室車馬五穀三金百用之類。數者由利而不由誼之謂物。今夫天日月星辰繫焉。風雨雷電作焉。霜露雪霰變焉。飛潛動植形焉。百千億萬萬物。

其究竟  
固不止  
二杭州  
也

生焉。今夫民父母尊長稱焉。子孫卑幼呼焉。攻劫穿  
窬出焉。寇仇罵詈興焉。弧矢戈戟之毒至焉。故學能  
仁則已克而上與天道達。政能仁則物化而下與民  
志通。上與天道達也。一物不遂其生吾憂焉。夫何故  
即已之肱折而股癢也。膚刺而指缺也。吾嗚呼不憂  
下與民志通也。一夫不獲其所吾慮焉。夫何故即已  
之兄鬻而弟繫也。子餒而孫瘞也。吾嗚呼不慮。昔者  
顏子以仁為學。飲于瓢與五齊。三清同食于簞。與膾  
炙熊掌同。居于陋巷。與畫棟雕梁同。七情皆輕。一仁

獨存故曰不遷怒怒且不遷其他可知矣故曰不改其樂樂而不改其心可知矣及其以仁為政也酌虞夏商周之制取韶時輅冕之宜得其道使治不泥通其變使民不倦民厭文濟之以忠民厭輅和之以韶參伍不居神化無方斯民歌帝力於何有日遷善而不知也或曰此其道蓋宰相丞弼之責乃以告郡守可乎曰職有大小道無二致道行於郡則四封之內安道行于國則四海之內安夫漢遵三代者也當其時如黃霸于定國諸賢多由郡守陟晉御史大夫及

丞相道安可限於郡守邪。端甫章丘名士，其令魏縣  
砥削徭役，節省里甲，弭戢盜賊，敦崇節孝，賑災捕蝗，  
敷教興學，去魏之日，舟出天雄，魏父老子弟垂泣涕  
送，不忍釋焉。一時上官有四知，克畏六事，孔修之考  
其後，二守鈞州及永平，燕晉任南京金部，益諳民情，  
稔練政體，公退之餘，猶肆力問學，追逐志侶，窮經致  
用，則固有為仁之基矣。暇嘗過予，論學率多稱仁，以  
訛而又顏氏故里人也。則夫杭州之政方繼，憔悴之  
後，饑渴之時，誠舉仁而敷焉。凡天目秦望之外，崖壑

武隆之徽山、叟溪、童皆興洛沂之樂。稻、塍、筍、鵝皆引鼓腹之風矣。端甫既成杭州之政，他日晉爲卿相，舉此措之以佐明聖，又何難於四海之民哉？或曰：何以能仁政於杭也？曰：郡領九縣，九縣長吏誠與之同心，使共宣力焉。凡其俗之近奢靡汰而去之，無毫釐獨而畏疆禦，此其大機也。端甫名冕，起家嘉靖丙戌進士。

贈南戶部周正郎陞知雲南府序

戶曹正郎周子謙之爲部屬方六年，舉進士方七年，途曹知其賢且材，遂有雲南之推。以雲南在會城之

李將軍  
六花陣  
天崩地  
裂任是  
紛紛嚷  
寒不可  
破  
時有時  
刀斗一  
擊  
上萬如  
壁壘此  
英雄有  
制之兵  
也此文  
酷似之

中轄隸四州九縣即古益州昆湖滇池之地崇岡巖  
嶽激澗縈紆巽牟熨礪於民十七時恬則蜂屯蟻聚  
有事則獸駭禽奔蓋人自爲險勢難統一故往年安  
鳳二氏之亂及本邦孟密之構必先趨是郡而攻之  
極其雄劇者也謙之過予曰滿往意得中土一郡選  
取屬州縣之茂才于郡以造就之乃今有此乎涇野  
子曰予方病時之提學或撫按郡守多此舉也夫科  
目已有額數與其善文辭者遠得之孰若有實行者  
亦與之乎且均一士也與選者何恩不與者何讐是

舉一興士率兢浮文而薄實行欲民生之遂難矣譙之蚤受南山君之庭訓勵學不間寒暑年甫冠即成進士而又質直好義事不合理噫鳴而去樂交賢友吐露腹心其誦書窮理寢食或廢蓋語默動止惟聖賢師故予嘗期以學南軒張氏之仁者也邇者交趾之亂

聖天子方有南顧之慮予聞譙之報喜曰雲南治矣雖交趾亦可服也乃譙之猶惑於俗而欲選教茂才者乎對曰涇野子誤矣交趾遠在此郡千有餘里之

外逾臨安沅江老撾者樂車里之險而後達其境日者  
朝議欲起四省之兵出大將會征南將軍以伐之猶  
謂其難況雲南一郡乎請先言治雲南曰昔者齊宣  
王出獵于社山有父老十三人來覲王曰勞矣召賜  
田不租又賜勿徭役父老皆拜賜中有閭丘先生者  
獨不拜宣王問焉對曰臣之來願得壽得富得貴耳  
宣王曰壽係于天非寡人所能與寡人倉廩有限焉  
能以多富大臣在職小臣不缺焉能以悉貴對曰王  
若選富室之有行者以爲吏平其法度則臣得壽矣



春秋冬夏振之以時而不數擾則臣得富矣王出令使少者敬長長者敬老違令者罰則臣得貴矣若賜田不租則君之倉廩虛賜勿徭役則君誰與爲役使宣王從其言齊國大治甲于天下夫謙之所屬州邑不必拘貴賤也課其田桑長其雞豚治其紛爭其中若有一二孝悌修行者如得其真或為之禮貌或移之勸獎或減其雜差則士不思奮民不思勸者鮮矣南軒氏之仁于今日身親見之矣漢后倉能通五代之禮徐生善爲容至則選若人焉使相民間冠婚賓

有神  
闖關

祭之禮因其俗之所宜參用先王之典俎豆列于品類玉帛榮于羅次燦然有文以相接藹然有恩以相愛而孝弟忠信之道達矣予又贈子以鳧氏之鍾后夔之磬韞人<sub>之</sub>陶華父之琴瓠巴之瑟衆仲之六舞至則或戛擊于堂搏拊于室萬舞于兩階而中正和順之氣通矣未及三年雖交人也以爲雲南且如此况於朝廷之上者乎莫不解甲胄而覩揖遜之容投干戈而觀羽籥之舞當其氣象儻如洪武初年張鷟登之在滇黃忠宣之在交也不可乎而謙之陟長

清臬進登卿相亦是物也

涇野先生文集卷之九